

KLUB SDP-a u SKUPŠTINI HNK

09.03.2010.g

SKUPŠTINA HNK
036 581018

PREDMET: Zahtjev za zakazivanje VANREDNE sjednice Skupštine

Poštovani,

S obzirom na vrlo ozbiljnu društveno političku situaciju, koja se oslikava kroz veliki broj neriješenih problema iz kantonalne nadležnosti smatramo potpuno politički neodgovornim da Skupština HNK ne zasjeda gotovo više od dva mjeseca. Budžet kao dokument jeste vrlo važan finansijski instrument obnašanja vlasti, ali ne može biti faktor potpune blokade rada vladajuće koalicije, a potom i zakonodavnog organa kada su u pitanju ostale ustavne nadležnosti. **Stoga, klub SDP-a traži sazivanje VANREDNE sjednice SKUPŠTINE HNK na kojoj će se:**

- razmatrati SDP-ov prijedlog zakona o izmjenama i dopunama zakona o primanjima izvršne i zakonodavne vlasti
- formirati komisija za analizu procesa privatizacije
- reaktivirati odluka o zabrani zapošljavanja na teret budžeta HNK i vanbudžetskih fondova
- obustaviti kupovina novih auta, te donijeti odluka o zabrani raspolaganja službenim vozilima izvan radnog vremena
- razmatrati informacija o finansijskom stanju HNK s efektima usvojenih mjera štednje i vraćanja novca iz namjenskih fondova
- razmatrati informacija o stanju u kulturnim, medijskim institucijama i zavodu za javno zdravstvo HNK
- razmatrati problematika finansiranja smještaja studenata u domovima
- razmatrati kadrovsko i finansijsko stanje u MUP HNK
- razmatrati problematika Doma za invalide i Hemodijalize u Konjicu
- razmatrati oblast koncesija kroz postojeću regulativu kao instrument podizanja prihodovne strane budžeta, a ne instrumenta za neosnovano bogaćenje pojedinaca bliskih vladajućim strankama

Na kraju, tražimo od kolegija Skupštine da **HITNO insistira od strane Ministra zdravstva HNK realizaciju jednoglasno usvojenog Skupštinskog zaključka SDP-a od 18.12.2009.g, a na temu osiguranja direktne zdravstvene zaštite djece bez obzira na radni status roditelja i starijih od 65, a u skladu sa izmjenama Zakona o zdravstvenom osiguranju FBiH koji je stupio na snagu 01.01.2009.g.**

Nepoštivanje i neprovedba navedenog zaključka predstavlja grubo kršenje međunarodnih konvencija i ljudskih prava navedenih kategorija građana.

Predsjednik KLUB SDP-a u Skupštini HNK
Dr. sci . Aner Žuljević